

四庫全書

子部

欽定四庫全書

萬姓統譜卷三十四

明 凌迪知 撰

下平聲

五歌

何盧江角音周武王弟唐叔虞裔孫韓王安之後訛韓為何

周 何侯

何鳳俱仙

漢 何休

字郡公任城樊人質朴呐口而雅有心思精研六經世儒無及者嘗作公羊墨守左氏膏肓

梁廢疾除北新城長大作講舍聚生徒數百朝夕往勸講儒化大行

何進

宛人靈帝朝以女弟為皇后徵拜侍中遷大將軍以發賊黨奸封慎侯後欲誅宦官反為所害

何湯

字仲弓豫章人桓榮為榮高弟以才明知名拜郎中守開陽門上微行夜還湯閉門不納知名

旦詔大官賜食

何比干

平陵人武帝時為廷尉正治獄無冤濫時號何公

何敞

字文高平陵人比干六世孫敞性公正章帝時累官汝陽太守徵拜五官中郎將

何英

耶縣人學通經緯著漢德春秋十五卷孫汶亦深于學著世務三十篇

何武

字召公耶縣人以射策甲科為郎再舉賢良方正召對策拜諫議大夫遷揚州刺史成帝時為

大司空封汜鄉侯哀帝時策免就國復召為御史大夫會詔舉可大司馬者衆舉王莽武不可

後莽用陰誅不附已者武以誣自殺

何竝

字子廉為潁川太守郡掾鍾威倚兄廷尉勢與輕俠漁食閭里至姦人婦女持吏短長從橫郡中竝至捕殺之表善好士一郡清靜

何顯

字伯求襄鄉人與陳蕃李膺善有聲荆豫之域後為董卓所害初顯一見曹操知其異志嘗稱荀或為王佐器

三國何夔

陳郡人避亂淮南曹操辟為司空掾遷長廣太守多所建明海賊寇暴樂安濟南界操以夔前在長廣有威信拜樂安太守到官數月諸城悉平魏文帝時封成陽亭侯

何晏

字平叔宛人進之孫尚魏公主美姿容少以才

秀知名曹爽引為散騎侍郎遷侍中尚書賜爵
列侯晏與夏侯玄等競為清談天下
士大夫慕之遂成流風不可復制

何祗

初為太守楊洪門下書佐洪舉其有才策不數
年祗為廣漢守朝會祗洪同坐洪曰君馬何駛

祗曰故吏馬不敢駛
但明府未著鞭耳

何禎

字元幹廬江人有文學器幹容貌甚偉歷
幽州刺史廷尉入晉為尚書光祿大夫

晉何克

字次道潁人風韻閑雅文義見稱王導與庾亮
並言于成帝曰何克器局方槩有萬夫之望臣

死之日願引克內侍則社稷無虞矣及導卒遂
叅錄尚書事克性好釋氏以此獲譏于世卒贈

司空

何準

字幼則克之弟高尚寡欲州府交辟不就初克為驃騎將軍勸令任準曰第五之名何減驃騎兄弟中第五故云克居宰輔權傾一時而準散帶衡門不及人事唯誦佛經而已其女為穆皇后

何曾

字穎考陽夏人好學博聞性至孝友自少至老夫婦相見如賓無聲樂嬖倖之好仕魏至鎮北將軍入晉累官太宰侍中

何攀

郡人為廷尉平廷尉卿諸葛沖以攀蜀士輕之及斷疑獄始歎服尋以功封西城侯食邑萬戶賜絹萬疋攀讓所封賞者給中外宗族後除兗州刺史固辭不就

何叔度

廬江潛人晉時為尚書姨與母情愛甚篤母卒奉姨若所生姨亡朔望必往致哀并設祭

奠食竝珍新躬自臨視若朔望應有公事則先遣送祭皆手自料簡流涕對之公事畢即往致

哀以此為常

三年服竟

何隨

江陽人舉孝廉不就即家拜本郡太守邦人言平當者稱何江陽常璩贊之曰江陽皎皎何

君使

何炯

字士光廬江人十五從兄胤受業一暮竝通五經章句從叔戢曰此子非止吾門之寶亦為一

代偉人也年十九解褐揚州主簿遷尚書兵庫部二曹郎歷治書侍御史

何無忌

東海郟人忠亮直氣為太學博士後為廣武將軍桓元篡位與劉裕等起義兵與元戰元

敗走以興復功封安成郡開國公後以戰失利握節死諡忠肅

何遜

字仲言東海郟人為梁法曹水部員外郎揚州解宇有梅盛開遜常吟咏其下後居洛陽思梅

不得請再任揚州從之既至適花盛發大開東閣延文士嘯傲終日

何澄

準子字季玄起家秘書郎有器望累遷秘書監太常中護軍孝武帝深愛之以為冠軍將軍署

國內史安帝即位遷尚書左僕射

何子朗

字世明與何遜何思澄俱擅文名曰人中真與何子朗有才思嘗為敗塚賦擬莊周其文

甚奇歷官員外散騎侍郎

何琦

字萬倫陽穀人好古博學事母至孝患供養不給為涇縣令母亡哀毀幾絕服闋歎曰所以仕

者實利徵祿以供親耳遂養志衡門累召不起桓温過其山曰此中有人嘗著三國論

何楷

吳郡城南何山以楷嘗讀書于此後為吳郡太守因以其姓名山

南何尚之

字彥德潯人仕宋官至中書令立身簡約愛尚文義老而不休卒贈司空謚簡穆

何昌寓

字儼望尚之從子獨立不羣所交皆當世名士仕宋歷郡以清白稱後為吏部尚書有姓

閱者求官自言子騫之後昌寓笑曰遂遂華胄其子敬容亦為吏部尚書銓序明審號為稱職

出守吳郡政

為天下第一

何點

字子皙尚之孫容貌方雅博通羣書宋齊累徵不起與梁武帝有舊及踐祚召見尋辭疾歸兄

求弟胤皆隱遊世謂何氏三高

何求

字子有點兄元喜中歷太子中書舍人泰始中除中書郎不拜隱居武邱入齊永明中拜太中

大夫不就為人
清退無嗜欲

何佟之

字士威，潛人。少好三禮，師心獨學。仕南齊，為國子助教。後為記室參軍。當時國家吉凶禮

則皆取決焉

何承天

東海郟人，博通古今，尤精歷數。仕宋，領著作郎。朝廷每有疑議，必先訪之。時元武湖得古

銅斗，衆皆不識。承天曰：「此新莽威斗三公也。則賜之江左，惟甄邯為大司徒，此必甄之墓也。既而果然，然官至御史中丞。」

何之元

廬江蕩人，好學有才思。為梁司空袁昂所重，辟為五官掾。尋除信義令。時縣名信義，陳太

建中歷，湘州刺史。始興王叔陵諂議參軍及叔陵誅之，元屏絕人事。著梁典三十卷，移居常州。

之晉陵隋
開皇間卒

何遠

字義方東海剡人初任南齊梁武帝踐祚封廣
興男歷宣城太守累遷給事黃門侍郎公清為

天下第一凡典郡
所至為立生祠

何偃

尚之子字仲弘元嘉中位太子中庶子歷侍中
掌詔詰時尚之為司空尚書令偃居門下父子

竝處權要曲得時譽偃
好談玄註莊子傳於時

何敬叔

東海郟人為長城令清廉不受禮遺夏節忽
榜門受賄數日得米二千餘斛他物稱是悉

貸貧民輸租于思澄勤學工
文仕梁為梁陵王錄事參軍

何敬容

字國禮齊附馬都尉梁遷太子詹事侯景襲
建業兵敗未得審實傳者云景身與衆竝沒

簡文以為憂敬容曰得景遂死深是朝廷之福
簡文失色問其故對曰景翻覆叛臣終當亂國
俄而侯景難作
其言有徵也

何喬

點之弟仕為左民尚書高祖霸先引喬為軍謀
祭酒王果還以喬意奏聞有勅給白衣尚書錄

喬固辭又勅山陰庫錢
月給五萬喬又不受

何胤

字子季點弟好學師事沛國劉獻受易及禮記
毛詩又入鍾山定林寺聽內典其業皆通而縱

情誕節時人未之知也唯歟與汝南周顒深器
異之仕齊武帝時為建安太守政有恩信人不
忍欺每伏臘放囚
還家依期而反

何子平

廬江潯人少有至行事母至孝宋文帝時為
吳郡海虞令得祿惟以供母不及妻孥人疑

其儉薄子平曰希祿本在養親不在為己聞者
慚而退母喪去官哀毀踰禮每哭踴頓絕方蘇
孝武末年東土饑荒繼以師旅八年不得營葬
晝夜號哭常如袒括之日冬不衣絮暑不就清
涼一日以米數合為粥不進鹽菜所居敗屋不
蔽風日兄子伯興欲為葺理子平不肯曰我情
事未申天地一罪人耳屋何宜覆蔡興
宗為會稽太守甚加矜賞為營冢壙

何思澄

字元靜東海郟人敬叔子思澄少勤學工文
辭仕梁起家為南康王侍郎遷治書侍御史

武陵王中錄事參軍與宗人遜及
子朗俱擅文名卒有文集十五卷

何憲

字子思博涉該通羣籍畢覽天寶間秘書人間
散逸無遺漏焉任昉劉渢共執秘閣四部書試

問其所知自甲至丁書說一事并叙述作之體
連日累夜莫見所遺宗人何遁退讓士也見而

美之願與為友憲齊武帝
時位本州別駕國子博士

何戢

字惠景潛江人偃之子尚山陰公
主拜駙馬都尉遷司徒從事中郎

隋何妥

字棲鳳西域人父細胡通商入蜀遂家郫縣妥
少機警有才名仕終國子祭酒嘗言蘇威不可

信任又上八事以諫威大銜
之出為龍州刺史卒謚曰康

唐

何蕃

和州人為太學生二十餘年學成行尊諸生不
敢與齒朱泚反諸生將從亂蕃正色叱之故六

館之士無受汚
者韓愈為作傳

何煥

閬州西水人為御史大夫風節
凜然當時稱之賜其里曰栢臺

何昌期

陽山人天寶間與安祿山將高秀巖
戰有功拜千牛衛將軍封寧國伯

何武

壽州人嘗被誣枉至州投石自明守釋之未幾盜起即請于守曰此真畢命之秋也命領偏裨

入樅陽不意盜發叢翳間兵盡駭潰武獨鬪死

何易于

德宗時為益昌令刺史崔朴春遊出益昌索民牽挽易于腰笏引船朴驚問曰百姓春耕且蠶

不可役惟令無事可任其勞朴乃疾驅去

何澄粹

青陽人性至孝母歿哭墓哀毀而卒時稱孝子

何邕

為少傅杜甫有贈邕詩云生死論交地何由見一人何君隨燕省薄暮走紅塵又有何少府覓

一 橙木栽

一 詩

何起門

建德人父死廬于墓大厯中刺史蕭定以狀聞天子表其門新唐書孝友列傳稱其事親

居喪之行云

五代何澤

廣州人仕唐為洛陽令好直言莊宗出獵踐民田澤叩馬諫曰陛下未能一天下以休兵而恣

畋游害稼穡使民何以出租賦莊宗為之罷獵明宗欲幸鄴又伏閣諫止任終太常少卿

何仲舉

營道人母嘗夢挾仲舉八月尋與范質同登後唐長興間進士因賜所居鄉曰進賢里曰

化龍仕終天策府學士

何令通

南唐時為國師言牛頭山不利謫休寧來芙蓉峯更名慕真一坐四十年豁然大悟天禧

中一旦正席趺坐忽心火自灼頃刻而化其徒收舍利為塔葬之

何敬洙

南唐楚州刺史嘗親出里巷察人疾苦有白事者隨其所言親加剖析無不厭服

宋何晝

少讀書廬山白鹿洞舉進士南唐時屢黜乃渡江入汴謁宋祖陳所為書二十卷後登第官至

鳳翔觀

察推官

何繼筠

字化龍洛陽人父福進累官節度使繼筠深沈有智畧宋初從征有功累拜建武軍節度

使前後備邊二十年善揣邊情能以少擊衆遠人畏其名子承矩歷知數州終齊州團練使

何隨

郟縣人初仕蜀為安漢令蜀亡去官時巴土饑送吏取民芋以自給隨即以綿繫其處償直民

視芋見綿相與語曰聞何安漢清廉必此人也

何蒙

洪州人精春秋左氏學南唐時進士宋初為洛州推官累遷至水部員外郎通判廬州真宗時

上所著兵機要類十卷後知濠州以光祿少卿致仕

何麗天

南克人宦游中都久未得歸賦懷親十三篇如毛詩體隨表上進以求補外朝廷嘉其志

詔嶺南遠官皆許迎養

何造之

子絳侯源修輔曾源格非三世登第家有三桂堂

何郊

本陵州人徙成都為殿中侍御史嘗極陳夏竦姦狀仁宗諭曰古有碎首諫者卿能之乎對曰

君不從諫則臣碎首今陛下從諫如流臣何敢掠美累官龍圖閣直學士後以尚書右丞致仕

何羣

果川西克人慶厯中石介在太學羣自蜀至受業介館羣于其家使弟子推為學長羣愈自刻

厲著書數十篇與人言未嘗下意曲從同舍目為白衣御史後歸不復出嘉祐中賜號安逸處

士

何涉

南克人讀書晝夜刻苦自六經百家及山經地志醫卜之術無所不學一過目終身不忘舉進

士累官知合州遷司封員外郎涉長厚有操行未嘗譏人過惡所著有春秋本旨廬江集七十

卷

何去非

字正通浦城人學問該博有識度元豐中對策論用兵之要推優等除武學教諭使校兵

法七書奏復見褒賞未幾擢博士蘇軾見其文驚曰此今班馬也力薦于朝詔加承奉郎歲餘

出為徐州教授

何承矩

字正則知雍州推誠御衆同其甘苦邊民有告機事者與之款接無所猜忌故契丹動息

皆能前知後拜雍州團練使

何時

為臨江司理參軍郡獄相傳舊斬一寇能行一里許衆神之塑為肉身時至取故牘閱此寇嘗

掠殺數人曰如此可為神乎
命鞭之沈于水人服其明

何旦

龍水人以邊賞補三班借職官至武經郎嘗為海南四川都巡檢使時蘇軾謫海外旦常往來

其門得軾
真染甚富

何琬

字子溫龍泉人舉進士神宗疏其姓名于御屏云政事何琬文章葉濤濤亦邑人也

何正臣

字君表新淦人九歲舉童子賜出身復中進士元豐中為御史裏行會正御史專六察正

臣言幸得備言路不宜兼治他曹累遷寶文閣待制出知潭州後歷刑部侍郎知宣州

何求

閩中人以宋涉隆苑記疎畧乃哀次三十卷號閩苑記其後同縣曹無忌又增二十六卷

何大正

大庾人博通諸經元祐間入國學雖老師宿儒莫不推遜時稱上庠三傑大正其一也官

至南雄州司理

何鑄

字伯壽餘杭人政和中進士紹興中拜御史中丞秦檜誣岳飛命鑄鞫之鑄白其冤檜不悅鑄

曰鑄豈區區為一岳飛者強敵未滅無故戮一大將失士卒心非社稷之長策檜語塞諷万俟

高使論鑄私岳飛欲竄嶺表帝不從任止資政殿學士卒諡恭敏

何稟

仙井人政和進士第一累官右僕射嘗阻割三鎮京城失守從欽宗幸金營遂留不返既陷北

庭巢仰天大慟不食而死兄宗弟渠俱有名號為三鳳

何執中

字伯通龍泉人琬之裔進士高第調台亳二州判官知海鹽縣有異政以母憂去寓蘇州

比鄰夜半火執中拊母樞號慟有頃火卻徽宗
時累官至太宰封榮國公卒追封清源郡王

何述

字明道調當塗縣邑瀕江述築隄以捍水患崇
寧初除開封推官從尹以職事對上顧尹曰何

述詳雅可喜必能助剗決累遷開封少尹司農
光祿卿出知相州後除徽猷閣待制知永興軍

有禮記解事類領要廬
江集等卷俱浦城人

何蓋

營道人後更名棄登政和進士第性剛介議論
不屈倅隨守廉俱擅聲稱後守雅州亦以最聞

累官朝
請大夫

何烈

湘鄉人金人入寇烈叩閭乞賜對陳禦戎之策
即日召對至東閣報免烈曰誓把愚衷畢此生

何兌

字大和邵武人受學馬伸伸歿兌嘗輯其事狀
政和中第進士紹興中為辰州通判覲郵報秦

檜自陳其存趙之功，兌取所輯事狀，達尚書省。檜大怒，下兌獄，削官，竄真陽。檜死，復其官。子鎬。

從朱熹學遊所著
有臺溪集諸說

何頡之

字斯舉，黃岡人。自號樗叟。篤學，善屬文。東坡先生謫居齊安，斯舉少年因侍教誨。

何杲

字文績，從徽宗幸大軍營，不食而死。

何大節

知黃州，金人犯黃，大節義不屈，投江而死。

何亮

二十四賢中人

何覲

與江西詩派

何昌世

字正卿，南渡時任台州司理。時敵勢猖獗，官吏望風遜去。昌世獨守職，迎駕入城。上問曰：

卿見為何官對曰台州司理何昌世也慰勞再三剪御衣尺許書云朕南渡以來事力未辦獨

汝能盡忠為國可執此為照特改宣教郎除大理寺丞終司農少卿

何彥猷

高唐人紹興中為大理丞時秦檜誣岳飛下獄彥猷言飛無罪万俟卨劾其撓法罷黜寓

德清餘不溪檜死高宗欲召用而彥猷已卒

何熙志

龍游人有文名紹興初進士晁公武薦為臺屬除御史臺檢法誥詞有蜀士秀之語

何異

金谿人紹興中進士累官左正言奏疏多峻切又累遷權禮部侍郎太廟有芝草生韓侂胄以

為祥瑞異獨以為兵妖後遷工部尚書丐祠致仕

何庚

紹興間知雷州循水利築隄以溉東洋之田凡數千頃皆成膏腴

何宗英

和州人紹興間以布衣上書數萬言論敵必
渝盟宜先事為備與其坐困一隅不若進幸

建康以
壯國勢

何大奎

廣德人年十八試禮部
第一時以文章著名

何中立

字公南許州長社人幼警邁頗以文辭自喜
進士及第累官樞密直學士知許陳州徙杭

州卒既歿家無餘貲有文集二
十卷子舜賓官至太子中舍

何溥

字通遠永嘉人天資雋偉屬辭渾厚雄贍試禮
部第一登紹興第歷臨安府教授刑定官出通

判婺川忤秦檜罷檜死以薦除監察御史遷左
正言右司諫彈劾不避除諫議大夫首論將帥
不治兵而治財戰鬪之士變為商賈在言路六
年知無不言除翰林學士兵部尚書屬時事

旁午羽檄交馳而因事屬文各盡其妙以疾請
補外授龍圖閣學士宮祠優游里居歲餘卒于
家

何湛

通判瀘州權郡事蠻酋乞弟率衆迫城湛單騎
至賊營開說利害乞弟亦單騎送湛入城歡飲

畢引賊遠遁
民賴以安

何常

知秦州謀告夏人多築堡柵朝議出兵牽制常
言羌人生長射獵今困於版築遠所長用所短

可拱手以待
其敵也從之

何坦

廣昌人少貧好學淳熙中進士歷官提刑廣東
杜絕請託洗冤澤民斷獄得清以廉平為嶺南

稱首

何源

字清卿大庾人通諸經授長子衡亨春秋登寶祐癸丑進士授次子光龍禮記登咸淳戊辰進

士授門人莫如德易登淳祐甲辰進士父子師友淵源可述

何洪

慶元間知新淦縣崇尚禮教不施鞭扑而民自畏服值邑大疫癘置惠民局敦延良醫以治之

又置養濟院以收無依者民甚德焉

何師心

知叙州因夷叛修戰守之具置鎖崖岸以保居民鄉人德之其崖石上鐫鎖江二字尚存

何灌

祥符人武選登第累官河東河西制置副使數有戰功靖康初金師叩京城灌入援既至令控

守西隅背城拒戰凡三日被創死于陣子薊閣門宣贊舍人從父戰箭貫臂病創死紹興間贈

灌忠正軍承宣使

何淡

字自然東陽人嘉泰間以上舍釋褐歷官國子
丞秘書郎恬靜好學所著有通鑑手抄闕謾

何基

字子恭金華人自幼端重寡言笑師黃幹窮伊
洛之源隱居求志不願人知淳祐間以崇政殿
說書徵不起授承務郎主管西嶽廟卒謚文定
所著有大學語孟太極通書西銘近思錄諸發

揮傳
于世

何新之

西安人仕至樞密院編修官嘗採唐宋
詩為詩林萬選行世後知忠安軍死節

何夢桂

字岩叟淳安人咸淳中舉進士第三為太常
博士歷監察御史宋亡不任所著有易行中

庸致用等書于易尤
精有先儒所未發者

何克

漢州德陽人祖耕祕書監克通判黎州攝州事

元兵破邛崃闖克自刺不死軍帥許以不殺克

曰吾三世食趙氏祿為趙氏死不憾自是水飲

不入口敵知不可強殺之克妻陳罵不絕口亦

元

何伯祥

易州易縣人從張柔歸太祖定河朔攻汴梁

破蔡州論功授易州等處軍民總管太祖南

伐伯祥參預軍事多所獻

何榮祖

永年人初習吏事後折節讀書日記數千言

累官御史中丞出為山東按察使奏免海運

陷糧民以福星目之入為參政尋遷右丞條具

有官新格進平章政事尤明性理玄學所著有

學易記觀物外篇等書

自號臆山卒謚文憲

何璋

伯祥次子始以平宋功歷遷御史中丞嘗陳當世要務十條成宗嘉納京師孔子廟成律奏建

國學于側成宗崩丞相阿固台奉皇后旨集議祔廟及攝政事璋難之阿固台曰中丞獨不畏

死耶璋曰畏不義耳苟死于義何畏卒追封梁國公諡文正

何廷蘭

鳳翔人任元薦登省臺三十餘年納忠陳善秉節不阿

何從義

洛川人祖父母亡從義廬于墓側旦夕哀慕惟啖蔬食事父母孝養尤至伯叔祖父母叔

父母皆無子比亡從義咸為治葬祭奠以禮時人義之

何失

昌平人負才氣能詩文至正間名公文薦之以親老不就揭奚斯嘗推重云心事巢由際文章

陶阮間虞集見其所作嘆曰當序而傳之使後之作者亦知世有斯人

何槐孫

宜黃尹莅事精敏處斷多出人意表明于燭物吏不敢欺歲饑勸賑有法貧者無不咸懷

其德

何中

樂安人宋末舉進士以古學自任其學深醇該博與門弟子講易詩書春秋吳澄揭傒斯皆推服之元至順初江西行省聘為龍興郡學師卒所著有易象類書傳補遺通鑑綱目測海知非

堂集等書

明何禮

清苑人洪武初以才行異等舉用歷任勤能物論推重官至兵部尚書

何廣

上海人洪武中舉明經任知縣陞江西僉事再陞湖廣叅議在邑則有惠政稱循吏在風憲有

激揚名在藩垣得方岳體嘗著律解辨疑

何顯周

命工黃人洪武初為四輔官賜坐講論治道

何敏中

洪武中以才行卓異任祁門知縣上書言時

府知府後轉嘉興府所至有政聲

何穎

武陵人洪武庚辰進士擢四川峩峩令多善政邑人失牛吏捕得之穎疑其冤默禱于城隍果

得真盜累官江西按察司僉事

何懷輝

桂陽人以刑律精通保任大理評事遷都督府經歷勤能益著陞通政司叅議時論偉之

何真

字邦佐東莞人少英偉好書劍元末歷河源縣務副使嶺海騷動弃官歸鄉里率眾保障遂併

有循惠二州廣民賴以為安本朝初歸附授江西行省叅知政事累官四川布政使所至有聲

加封東莞伯致仕卒

何源

吳江人洪武間以博士弟子試為吏德州山東蝗大起獨不入州境歲饑能綏靖之以功遷守梧州梧蠻夷地且患裁相仍議上所以賑之曰俟得報民不其餒而吾寧以擅發罪耳遂開倉廩多設方畧極之已而坐事調英公張輔辟教士交州後復召為宰士歷岳牧源在事久屢斥能免起仁厚蘊藉故

何世隆

沈勇而決當元季羣雄割據世隆糾義兵守滁城以信義為衆嚮募歲甲午秋七月太祖高皇帝駐兵滁陽世隆率所部歸附授以萬戶俾守滁城歲丙申陞右副都元帥時州境當兵革之後民物凋斃世隆盡心撫綏衆賴以安歲壬寅五月以病終于官

何文暉

世隆源也幼岐嶷年甫十三太祖取之鞠養賜姓朱及名既長嚴毅沈果有遠畧歲戊戌

授元帥守禦宣州威望甚著歲癸卯有旨令復姓歲甲辰拜江西行省左丞洪武四年歷大都督同知後總兵守鴈門以病召回尋卒于家太祖遣使致祭復勒工部營葬于城東沙河上子環成都護衛指揮使二十二年征達達歿於陣

何道旻

字伯清泰寧人洪武末為大理評事讞獄多平反時有疑獄大脚扳坐強盜久不決高廟

臨問責理官以受賄道旻犯顏力爭竟白其事遷監察御史陞江西按察司副使贛賊陳平為亂討平之而罪其首惡移湖廣建言時事得失皆蒙采納後坐事免官永樂初起為廣東按察司僉事首奏憲使貪墨黜之修雷陽壞閘溉田七十萬頃宣德初擢永州知府事必親區畫吏

不能欺民不以
病再期致任卒

何洲

海州人不知仕何官與宋和郭節友善素以忠義相勗北平後遂相約弃官為筮人客死異域

竟莫識其姓名王詔合和節洲而系之贊曰箕子陳範嚴氏隱卜義有從否道有宜告烈烈英

賢寥寥

冥鵠

何應龍

南陵人幼涉獵經史膂力絕人元末起義兵後以奇功授珠虎符為民兵萬戶歸附本朝

乃襲其官從徐達北定中原還留宿衛後征西卒于途子執中蔭襲次子時中聚族同居九世

不分

何初

常山人博通經史洪武中知仁化縣遷巴東教諭召修書傳會選書成調開化造就人才士風

為之益振

何文淵

廣昌人洪武進士知温州府減陸田稅革軍倉弊利民者興之害民者除之政聲大振去

任民為像于祠祀焉及後為吏部尚書致仕

何楚英

攸縣人登永樂己丑進士第拜監察御史克效勤勞特陞陝西副使歷遷雲南左布政使

累賜勅褒之至今黔人猶稱其善政

何忠

江陵人永樂進士拜監察御史諫言正色陸交趾政平知州專尚德禮夷民懷服交趾叛忠在園中藩臬大臣謂忠有才智膽畧使告于朝乞師忠絕城出遇伏被執忠罵賊不屈死事聞詔

旌其門
謚忠節

何自學

字思學金谿人宣德元年進士授刑部主事陞廣西僉事移山西薦崇仁處士吳與弼丁

內艱英廟幸大同朝臣以自學才器為言詔起復力辭而止服闋陞陝西按察使到官見繫囚

衆審閱不旬日囹圄為之一空後死於土木之難

何喬新

字廷秀廣昌人景泰進士歷官刑部尚書諡文肅性嚴介不營私不阿權貴不以愛憎為

賞罰文學氣節為一時所重

何淳

字尚質淳安人成化丙戌進士授監察御史累遷湖廣按副時旱潦相仍民艱于食區畫賑救

咸得其所山陝河南流聚荆襄淳命有司隨地施給民皆感泣轉按察使

何衷

字惟孝舉進士授刑部主事進員外郎會四川巡撫與鎮守官計奏朝議推衷往訊比至有賂

千金者拒不納卒正其辜中都留守答人死按
治久不決至是始伏誅遷南京大理丞卒于官
貧無以殮士民惜之咸歎曰架有餘書囊無
餘錢可不愧於官也所著有靜齋稿行於世

何宜

字行義福清人登正統戊辰進士第拜戶部主
事累遷兵部職方司郎中成化初疆圉頗多事

邊報沓至皆職方司主之宜從容區畫上聞裁
處多稱意旨及其施行人皆以為得宜一時卿
佐極加器重凡有大議皆倚以諮決遷浙江布
政司叅政終江西左布政使所以諸決遷浙見稱

何孟春

字子元郴州人弘治進士歷官吏部侍郎以
議大禮調南工部尋削籍人稱燕泉先生隆

慶初謚文簡子商臣刑部郎中春才高學博臨
事敢言人信其剛直然仁厚儉約有長者風少
耽墳素皓首不衰名
馳藝林學者矜式

何宇新

字子完惠州博羅人居喪廬墓盡禮有司以狀聞詔旌表之弘治己酉舉于鄉任至宗人

府經歷世稱為孝子

何塘

字粹夫懷慶人弘治進士初任翰林修撰不屈于劉瑾出為開封同知歷官禮部侍郎篤遵古

誼雖世局變推而公不受染

何景明

字仲默信陽州人弘治進士歷官提學副使馳才長賦並凌作者性簡意寬不善事津要

遂出為校文之職以勞致疾弗臻大成惜矣

何遵

字孟循江寧人正德進士仕至工部主事諫武廟南巡廷杖死嘉靖初贈尚寶卿

何詔

字山陰人弘治進士歷官刑部尚書子龍正德丁丑進士工部尚書

何遷

字懋益德安人嘉靖辛丑進士歷官刑部右侍郎記聞淵博多所超詣喜談性命之學主於圓

融應世人不能窺其際為文章恥剽賊與邃可傳詩有中唐風所著吉陽集三十卷友問四卷

何良俊

字元朗華亭人以選貢入胄監累舉不第授南翰林孔目三年遂引疾自免寓居吳城與

諸文士遨遊唱和其習次蓋傲睨千古者也

何棟

長安人正德進士歷官右都御史兵部右侍郎總督薊遼軍務棟才能幹局深達經濟有時名

何良傅

字叔皮華亭人嘉靖辛丑進士授行人歷南京禮部祠祭司郎中學蚤成體素羸然立身

守官甚嚴事或於法有不當者持之力朝貴勢臨之不動與人坦易不設城府實君子也與兄

良俊俱有文名人稱
二何惜享年不永

何光裕

字思問四川梓潼人嘉靖甲辰進士授行人
歷兵科都給事中為人侃直不屑依阿以言

事忤旨斃于廷杖隆慶初贈光祿少卿

何維栢

字喬仲南海人嘉靖己丑進士授御史言事
罷歸隆慶初起復職歷吏部左侍郎南京禮

部尚書致仕卒

萬姓統譜卷三十四

欽定四庫全書

萬姓統譜卷三十五

明 凌迪知 撰

下平聲

五歌

羅 豫章徵音祝融之後妘姓受封於羅國子孫以國為氏又望出長沙

漢

羅行

成都人公孫述據蜀衍說述尚書解文卿鄭文伯諫述歸漢為子孫福解鄭從之述怒閉二子

于簿室二子守

志不回遂幽死

三 羅憲

字令則襄陽人年十三能屬文師事譙周性方亮屢整初仕蜀漢為太子舍人以不附黃皓左

遷巴東太守蜀敗持節領武陵太守泰始初入
晉武帝問蜀先輩宜時敘用者憲薦常忌杜軫

等武帝並

召用之

晉

羅企生

字宗伯豫章人累遷武陵太守未之郡而桓
元攻殷仲堪仲堪以企生為諮議參軍堪敗

去文武無送者惟企生從焉元至荊州或勸其
詣元企生曰殷遇我以國士不能共殄醜逆亦

何面目復求生乎元

聞之大怒遂害之

羅尚

憲兄子善屬文太康末為梁州刺史時趙嶽反
于蜀尚表嶽非雄才計日聽其敗爾乃假尚節

為平西將軍益州刺史李持叛

蜀尚以計破斬之傳首洛陽

羅友

襄陽人少有志氣博學能文會有得郡者桓溫
集僚佐餞之友後至溫問之谷曰中路逢鬼擲

榆云只見汝送人作郡不見人
送汝作郡溫表為襄陽太守

羅含

字君章耒陽人少時嘗晝卧夢一鳥文彩異常
飛入口中自此藻思日新仕為江夏從事太守
謝尚曰可謂相中之琳琅後補桓溫參軍或謂
合荆楚之才溫曰此是江左之秀豈惟荆楚而
已

羅結

代人歸老賜第東川
井為築城號曰羅侯

南
羅研

成都人字深微有文學為刺史鄧元起屬吏蕭
淵藻以私憾殺元起而誣以反研詣闕訟之上

贈元起征西將軍後刺史蕭恢聞其名辟為別
駕時羣盜大起或嘲之曰蜀人樂禍貪亂一至
於此對曰蜀川積弊實非由一朝今百家為村
不過數家有食窮迫之人十有八九束縛之吏

旬有二三貪亂樂禍無足多怪若家畜五母雞
二母彘林有百錢布被毘有數升麥飯雖蘇張

巧說於前韓白接館於後將不能使
一夫為盜况貪亂乎後為散騎侍郎

唐羅弘信

魏州貴鄉人狀貌雄偉善騎射仕為節度使
累進檢校太師卒贈北平王謚莊肅子紹威

少有英氣吏事明辨嗣
父節度累加檢校太尉

羅珣

廬州人仕為本州刺史捐已俸給藥濟貧禁淫
祠修學勸士務崇其本三年政化大治有芝草

白雀之瑞節度使杜佑上治狀賜金紫服遷
京兆尹封襄陽縣男子讓官至江西觀察使

羅隱

字昭諫錢塘人工詩尤長于詠史有湘南雜藁
性傲晚少與桐廬章魯風齊名唐宰相深器之

錢鏐辟為從事節度判官副使嘗說錢鏐討朱
溫曰縱無成功猶可退保抗越奈何交臂事賊

為終古之蓋乎所著有
江南甲乙集等書弟鄴

羅立言

宣州人貞元末進士為陽武令以治劇遷河陰立言始築城郭地所當者皆富人大賈所

占下令使自築民憚其嚴數旬畢設鎖絕汴流奸盜屏息後由廬州刺史召為司農卿擢京兆

尹少

羅公遠

侍明皇秋宴取桂枝杖向空擲之為大橋色如白金與帝同遊月宮

羅通微

臨晉人少時採薪山中遇閻使君家謂曰子骨相嶮峭可學長生遂冠褐五老山學步虛

絕粒唐貞觀中忽一日謂人曰我歸明日大會士庶萬人俄雷震地一青龍躍出通微遂跨而

仙登

羅虬

與鄴隱齊名號三羅李孝恭籍中有紅兒善肉聲此請之歌不答虬怒拂衣而去詰旦為絕句

百篇號

比紅兒

羅士信

歷城人年十四齊郡通守張須陁擊賊濰水上士信請自効須陁少之士信怒被重甲左

右鞞上馬顧盼許之陣纒列執長矛馳入賊營刺殺數人無敢抗須陁因之大破賊後降高祖

拜陝州道行軍

總管封鄆國公

羅鄴

詩中虎也先化中常莊奏詞人才士時有遺賢不沾一命于聖朝徒作千年之恨骨如李賀陸

龜蒙羅鄴方干賈島溫庭筠劉德仁皆有奇才伏望追賜進士及第贈補闕拾遺

羅向

廬州人少貧因常投福泉寺隨僧飯二十年間持節歸鄉書僧房云二十年來此布衣鹿鳴西

上虎符歸故時賓從追前事到處松杉長舊園
野老共遮官路拜沙鷗遠認隼旗飛春風一宿

琉璃殿惟有
泉聲愜素機

羅道宗

河中人慷慨尚義貞觀末嘗謫嶺南有友人
同斥者死於荆襄間臨終泣曰人生有死獨

委瑩異壤耶道宗慰之曰吾若還終不使君留
此後果遷葬於其家仕至太學博士為時名儒
大業中以戰功補虎賁郎將後稱幽州總管宇
文化及至山東遣使招藝藝曰我隋舊臣今大
行顛覆義不辱于賊斬
使者為煬帝發喪三日

羅藝

太原縣人仕周官至指揮都虞候顯德末太
祖自陳橋入彥瓌曰吾輩無主今日須得天

宋 羅彥瓌

子范質等由是降階聽命累遷安
國軍節度使與李繼勳大破契丹

羅承之

巴州清化人幼雄特好兵略乾德中文協舉
衆攻閬巴承之竭資募士擒文協太祖召見

賜感義軍節度使兼知巴州曾孫士
免事母以孝聞家產盡遺姪之孤者

羅居通

益州成都人母死廬墓三年有甘露芝草之
瑞聞寶中詔以為延長主簿大中祥符初旌

表其
門

羅處約

字思純益州華陽人父濟仕蜀歸宋至太常
丞處約太宗時舉進士彤神豐碩有詞采初

知吳縣後召直史館卒年三
十三有文十卷曰東觀集

羅或

字仲文長汀人第進士契丹入寇真宗親征或
扈從至澶淵與宰相參議機務契丹乞和遣或

為報使還京丐歸里賜錦衣金
帶錦旂二還鄉領本州刺史

羅彥輔

字經世當塗人嘉祐進士歷江都湖口令皆以廉稱後知池州屬歲早以荒政從事奏課

第一嘗諷子曰我以清白遺爾曹萬一至饑粥不給亦不可少屈人以姑溪水況其清德及卒人過溪上者歎曰羅公何在溪水如故相與躊躇不忍去

羅益郊

興寧人生而穎異早喪父事母孝兒時牧牛長陂莊坐讀書有山人過奇之與語益郊告

以父喪貧未葬山人指示地遂從葬焉弱冠結廬羅嶺以學鄉子弟從之益郊指授焉至邑始多學者善書札洗硯池水盡黑人稱曰墨池天聖八年舉進士第三人累官諫議大夫翰林學士乞歸養母茆葦蕭然母冬月思鱸孟郊解衣入池取魚供母鄉人目其池為曾子湖卒衆立祠祀之

羅善同

字信遠上高人自幼勤詩書友善類明道先生嘗貽書云人之所以為君子在不失其本

心要常自點檢勿使一毫私意間之斯可到聖賢地位矣自號純古先生

羅志冲

合州人潛心六經最精於易作解發明程氏為多

羅道成

慶歷中遊嶽題詩云白驪代步若奔雲閒人所至留詩迹欲知名姓問源流請看柳陽山

下石後問鄉人言有真人得道乘白驪行石壁上其跡至今存焉

羅茂衡

宋人山谷贈以詩云嗟來茂衡學道如登

羅畸

字畸老元祐初為滁州刺史或曰僻郡公曰此歐公之醉鄉也庶乎紫微香泉萬斛以為供給

琅琊幽谷白雲千頃以為職田何謂貧僻耶明年治廨宇于堂前植蘭數十本記之曰蘭之德

有道君子也予之于爾猶賢朋友朝服其馨暮擷其英攜書就觀引酒對酌

羅威

字德仁番禺人事母至孝遇寒先以身溫席鄰家牛犯其稼威刈芻納其門牛家相諭莫犯每見老者負於途率代其任令異其行除吏不就

羅祝

字叔和長汀人閉戶讀書人罕識面貫穿經史雖註疏亦皆研究元祐間朝廷行十科祝以明經中第調漳州法曹本路漕按行欲秉燭入庫祝堅執於律不可漕遂止嘗手釋六經及註唐書尤精於律數終

明州觀察推官

羅戩

通州人以剛直聞鄉里遊太學進孫吳二書徽宗特命為武學諭上幸學百官先集蔡京於生談兵戩心哂之昂視屋角不聽其語觸怒奪官自號觀光山人

羅薦可

字養蒙沙縣人為高郵理曹汴京陷張邦昌以偽赦至高郵守欲拜之薦可持不可留數

日而高宗赦至事
間命以京秩褒之

羅晏

閬州人兒時牧羊山下見二道人奕晏捨牧觀之道人出囊中餅與之晏食已歸家覺腹中如燎

因發狂累日自是惟飲水數日不一食稍稍預言禍福無不驗宋宣和中賜靜應處士張浚延

致軍中晏曰相公勿恐明日敵退果然加號太

羅昇

宜春人少貧業屠狗晚乃貨藥市中遇異人授以六術年幾百忽一日辭親戚奄然而逝時政

和二年也後有客見其在瀏陽市貨藥有書寄鄉人驗其日乃其沒之明日也

羅復

銅陵人嘗知昨城縣值靖康亂率吏民禦敵至傷肌體終不去職朝廷以忠義褒之

羅孝芬

字廷揚平江人宣和間居側有大栴樹雷折之火燎其文成羅狀元字下有三點人莫能

測明年孝芬舉甲科第三人始悟其兆云後擢吏部郎中靖康初致仕歸建畫錦橋秀野亭當

世榮之

羅克開

字達甫知袁州事至立斷無留滯洵冠李元勵猖獗羽檄交馳克開靖以安之民不驚擾

羅烈

字子剛長汀人紹興初循州興寧令會郡盜出沒一出突入縣執烈去烈不為動以理論之賊

不敢加害乃送還邑未幾賊黨又復合烈率民兵千餘直薄其壘大破之

羅長康

字偉正宜春人進士歷官寺丞出知永州迎其父以養因名州署之後堂曰戲綵待制胡

寅記

羅汝楫

字參濟歙縣人登進士第累官刑部員外郎高宗時為御史遷起居郎兼侍講上問楫曰

春秋有貶而無褒是否對曰春秋上法天道春生秋殺若貶而不褒則天道不具矣後遷吏部

尚書終龍圖

閤直學士

羅適

字正之寧海人舉進士歷知五縣提點兩浙京西刑獄終朝散大夫有易說赤城集一百卷行

於世

羅願

字瑞良汝楫子兄顓顓頤頌弟頴皆有文願博學好古法秦漢為詞章高雅精鍊朱熹特稱重

之有小集十卷爾雅翼二十卷累官知鄂州有善政

羅拯

字道濟祥符人第進士性和柔不與人較曲直累官江淮發運使嘗與副皮公弼不協比公弼

被劾極力為辯理諫官錢公輔嘗論極短公輔
姻黨多在極部內往往薦進之或讒以德報怨
極曰同僚不協所見異也諫官所
言職也又何怨乎時論服其長者

羅尚友

字明善萍鄉人少負俊才文章倚馬可待嘗
謁閣問使蕭闕令其賦詩有人問酒客兼詩

客天上文星與將星句後登進士第授武昌軍
節度推官時李常以中丞為帥每燕集必召尚
友凡樂語詩詞皆即席
而成因目為席上才子

羅從彥

字仲素本沙縣人徙家陽平從學楊時於蕭
山既而築室山中絕意仕進充然自得朱熹

謂龜山倡道東南士之游其門者甚眾然潛思
力行任重詣極惟仲素一人而已學者稱為豫
章先生卒

檢文貞

羅博文

字宗約沙縣人從學李延平得道學之傳尋以薦參議軍府政卒于嘉州官舍囊無餘貲

有書數千帙而已

同門朱熹狀其行

羅點

字春伯號此菴先生淳熙中鄭僑侍讀兼侍講胡晉目兼諭德除浙西提舉楊誠齋詩云山

微動搖增意氣詔書宣布舞羣黎官至樞密謚文恭

羅之紀

字國張號筠心居士瑞陽人孝宗朝攝邑雲夢因見雪壓庭竹賦詩云吾道非邪真可恥

此君豈是折腰人棄官歸遇方士授丹經修養法葺一室扁以子午靜逸成趣有易傳三卷文

集二

十卷

羅必元

字亨父進賢人嘉定中進士歷官撫州司法真德秀入參大政必元移書謂老醫膏云傷

寒壞證惟獨參湯可救先生其今之獨參湯乎
通判贛州上疏論賈似道後以直寶章閣致仕

羅天酉

字恭甫新昌人登開慶進士以格非心去非
人對策忤丁大全擯外歷官知懷柔縣有惠

政丁父憂有三釜為親今莫及萬鍾於我
復何加之句遂不起所著有拓岡文集

羅守成

紹定中知廬州愛民禮士百廢修舉築城壘
創貢闈賑貧乏施藥劑力可到處靡不為之

郡人立

祠祀焉

元

羅明遠

廬陵人元季冠犯吉安明遠率敢死士三百
餘大呼巷戰城東殺寇數百人恢復郡城而

明遠死郡

為立祠

羅郭佐

石城人平海寇以功授廬州路總管子震敷
化州路總管次子奇雷州路同知一門父子

兄弟皆相
繼死節

明
羅觀

字用賓桐廬人洪武中遊太學有聲選署陝西按察使事後權寧國府同知永樂初陞廣東

按察使在任
以清慎稱

羅義

山西清遠衛戍卒也靖難兵起義詣闕上書乞
息兵講和又錄上文皇書言殿下聰明英武

今之周公也宜謹守燕土以法周公輔成王之
義嘗聞夷齊以國相讓去隱首陽聖賢欲成天
下之事必先明順逆之理成敗之勢禍福之機
又得天道之宜人心之安然後可殿下今以藩
國敵朝廷即遂其願猶為不可况萬難無一易
哉乞早息兵歸國書上乃下義獄建文四年六
月庚辰文皇帝出義獄中擢戶
科給事中未幾陞湖廣左叅政

羅亨信

字用實東莞人永樂進士授給事中累官副都御史歷巡西北二邊愛軍恤民邊人至今

思之

羅復仁

吉水人少負奇氣言論敏捷國初奉命招降偽漢主陳理復往諭安南毋侵占城安南人

贈以黃金辭不受累官至弘文館學士以老歸田里賜玉帶襲衣名馬

羅汝敬

吉水人永樂進士選為庶吉士預修實錄陞侍講以言時政改監察御史交趾反廷議舉

汝敬陞工部侍郎往諭以順逆禍福交人震恐巡撫陝西一方仰賴尋致仕卒所著有寅菴集

羅通

吉水人永樂進士授御史仕至左都御史致仕公才警敏晚暢兵法已已之變守關有保障功

弘治中秋初祀居庸關

羅明

字元亮，崇仁人。景泰甲戌進士。除監察御史。陞廣西按察司僉事。奉敕專理軍政。時蠻獠寇賓

州。總戎畏縮。逗遛不進。明率所募民兵格戰。俘誠甚衆。未幾賊常諫誠恃險復倡亂。明生獲之。

捷聞。賜敕獎。

諭陞本司副使。

羅璟

字明仲，南城人。天順進士。第二弟理嘉靖進士。第二璟授編修。嘗上疏論慈懿山陵事。上嘉納。

之歷國

子祭酒

羅紳

宜春人。天順初知廉州石康縣。清介公勤。時寇流劫入縣。治紳苦戰力不能支。為賊所繫。奮罵

曰：朝廷命我封疆。今日城陷有死而已。

遂遇害。子鑑從父會兵于野。亦苦戰被害。

羅倫

字彞正，永豐人。成化丙戌進士。第一授翰林院修撰。上疏論李相奪情非禮。謫廣東市舶提舉。

尋復南京請告卒謚文毅公洵沛之文奇偉之節果敢之氣避惡若淫聞善若警篤志力行青天白日章楓山稱公剛毅不可及又曰一峰可正若善俗我輩只可修政立事

羅玘

字景鳴江西南城人成化鄉試第一丁未進士改庶吉士授編修仕至南京吏部右侍郎致仕卒贈禮部尚書謚文闕玘學問淵源氣節高古德業遠邁于古人識見不隨于流俗文章忠義

蓋兼
有之

羅輅

字質台江寧人罷字疏豁有風幹知袁州至即均差役繕城隍置文廟樂罷考正雅樂校試生徒親為課督作指掌圖懸之以革糧長隱射再踰年改知贛州後歷知南康南昌三府轉按察

副使入為府丞
大理少卿卒

羅欽順

字允升太和人弘治進士第二授編修仕至南京吏部尚書弟欽德欽忠先後舉進士時

稱羅氏

三鳳

羅僑

字惟升弘治進士永豐人初知新會縣有惠政陞大理評事劾權宦杖歸尋起為廣東叅政請

老不待報而

歸士論高之

羅循

字遵善吉水人弘治己未進士為人魁碩性剛嚴慷慨急於義而厭猥屑當其在兵部時革瑾

牙爪指揮張某尚書張敞

屢勸不從歷按察副使

羅柔

字文徽弘治庚戌進士由戶部主事員外郎郎中陞建寧府知府遇一按院以舊隙劾去之歸

閒惟詩酒壺奕為樂不問生事悠然終

其身蓋其素性蕭然窮達不改如此

羅洪先

字達夫吉水人嘉靖進士第一授修撰陞左春坊左贊善言事落職屢薦不起卒隆慶初

贈光祿寺少

卿諡文恭

柯

濟陽商音吳公子柯蘆之後

漢

柯農

柯彊

俱見印藪

南
北
柯隆

錢唐富人

柯益孫

齊郡人充州典籤

唐

柯穎

尚書郎

柯九思

字敬仲仙居人文宗朝奎章閣學士凡內府所藏法書名畫咸命鑒定善畫竹得文同筆

法

柯崇

與曹松等號五老榜

宋

柯仲常

神宗朝通判潭州以救飢得民有異鵲棲其廳事仲常去鵲亦送之東坡賦柯侯異鵲一

章

柯夢得

字東海莆田人屢上春官不第嘉定七年以持科入官一生苦吟古詩學孟東野有抱甕

某及選唐

絕句行世

柯應烈

建德人性孝嗜學母閻氏病不解衣侍湯藥癯瘠盡瘁每夕露禱減異以益母壽空中有

聲特延一紀後果如數冀吏部欲強以官母
語曰吾家代以文發身何事旁曲為竟不就

柯萼

太平人興國七年遇一僧往萬歲山指古松下掘之得石篆乃寶公記國祚綿遠之文篆

柯述

字仲常南安人述與弟迪達嘗袖文見蔡襄襄異之相繼登第知襄垣縣神宗間其治行召對

擢知懷州終朝議大夫直龍圖閣

柯知彰

字仲晦述之從孫大觀初以不求聞達薦召赴闕持賜進士為海豐令子汪江俱登第

柯宋英

字子飛晉江人紹興進士知梅州清勤蒞事任滿固圉無一囚代還杜門謝客人以鄉先

生稱之

明柯振祖

彭澤人賦性穎敏博學能文制行剛方不苟時好洪武中以賢良方正舉任湖口縣學訓

導克端指範士
類賴其甄陶云

柯望

海陽人甘貧嗜學博覽羣書凡天文地理卜筮之類無不通曉尤精於易窮約終身略無覲觀人咸稱其清介有志未就而卒門人為之殯殮

柯日新

平涼人洪武甲辰平陳理命知蒲圻縣時亂定民多逋竄日新憂勤撫輯墾闢草萊疆理田土躬督農桑民皆襁負至乃創署宇修學校置郵傳治橋梁百廢俱舉

柯潛

字孟時莆田人景泰進士第一授修撰任至詹事府少詹事兼翰林院學士潛質貌英偉容止雅飭文整潔詩尤清婉郡有中貴人寵冠一時士大夫爭趨其門潛獨不往其人素慕潛文欲求一見亦不可得蓋介特之士也

柯忠

字汝節懷寧人登成化乙未進士授河南鞏縣有善政擢監察御史歷進陝西按察司副使忠天性孝友尤慷慨有節氣居官抗直敢言不俯仰時態政譽掀赫後致仕歸

柯維騏

字奇純莆田人正德進士

柯維熊

字奇徵莆田人嘉靖甲午進士

柯相

字元卿池州人進士嘉靖十一年以南京吏科給事中陞知府條章振飭百廢具與每朔望視學進諸生問難可否懲勸其良弗率者士精其學而民俗安之又悉心水利謹其石閘修浚東錢湖售葑去淺民無旱爍之憂以剛直忤人調守武昌終巡撫河南都御史

戈

臨海宮音夏時侯國為少康所滅因氏焉

宋 戈彥 池州兵馬都監

元 戈毅 梁縣人舉進士第為太康路提舉侶明正學蓋潞餘習文風為之一新

明 戈文德 國初同知真州協相營守以成令城事亦可紀

戈預 梁縣人國初歸附扈蹕拔采石下豫章平武昌陞都督

戈鎬 字仲京鎮江人宣德進士

戈瑄 字正玉景州人成化進士南京刑部尚書

戈九章 直隸人嘉靖甲辰進士弟九疇嘉靖己未進士

和 汝南商音羲和掌天地之官和仲和叔因以為氏

周
和紐父
晉人

漢
和武
將軍

和旻
北平太守

和浮
上祿長上言黨人禁網及五族有乖典訓帝從之

三國
和演
陽平太守

和洽
字陽士舉孝廉後為尚書令清貧守約至賣田宅以自給封西陵鄉侯

晉
和嶠
字長輿適之子有盛名于世朝野許其能整風俗理人倫遭潁川太守為政清簡甚得百姓歡

心庾歎見而歎曰嶠森森如千丈松雖
礫珂多節目施之大廈有棟梁之用

隋 **和洪**

汝南人也。以戰功累遷車騎大將軍儀同三司。時龍蠻任公忻李國立等聚眾為亂，刺史獨孤

善不能為禦，朝議以洪有武略，代善為刺。史月餘擒公忻，國立皆斬之。餘黨悉平。

唐 **和逢堯**

岐州岐山人。武后時，負鼎詣闕，上書自言願助天子，和銜百度，坐流莊川。十餘年，乃舉進

士，突厥請尚主，逢堯以御史中丞攝鴻臚卿，報可。諷以慕義，突厥遂稱臣。遣子入朝，逢堯擢戶

部侍郎

五代 **和凝**

字成績，鄆州須昌人。梁時舉進士，歷漢周官至太子太傅，封魯國公。嘗知貢舉，所取皆一時之

秀，稱為得人。

宋

和斌

字朋之，漢州郫城人。累官嶺南至步軍都虞侯，老于為將，以恩信得邊人心。嶺南珍貨一無所

蓄邊吏欲希功者皆憚不敢
發所至無事士夫咸稱之

和詵

斌子以蔭為河北副將累官至威州刺史知雄
州嘗上制勝強遠弓式能破堅於三百步外邊

人號為鳳皇弓在
雄十年頗能偵敵

和峴

浚儀人父凝晉宰相峴累官著作郎入宋為太
常博士後為京東轉運使峴善音樂太祖以雅
樂聲高詔峴講求均
節之自是八音和暢

和蒙

字顯仁峴弟子顯仁至道初遷右正言獻歌詩
稱旨上謂宰相曰有文采如和蒙者不可得也
知制誥每草詔閉戶稽思徧討羣籍而
後成也弟嶧淳化中獻文授大理評事

金
和安禮

泰安州刺史貞祐初山東被兵或勸其遁去
安禮曰我去城誰與守豈可避難負國恩乎

元兵至戰旬日城陷竟不屈而死

和元恕

西平縣尹勸農興學折節好賢不為表暴民有訟不履鞭朴惟諭以曲直人知改悔在任

五年公無負

租煙不入境

元
和裕

字仲寬廣平人大德間以孝廉舉任彭澤縣尉追石振遺事建六角亭於讀書巖前教子姓讀

書其中至今觀者猶景慕云

明
和希文

平定人學行過人洪武中擢用蒞職勤能官至刑部侍郎

和勇

右都督封靖安伯天性廉謹嘗從征兩廣一時文武大臣多縱肆勇獨循理尚儉衆視之有愧

馬

和豫

平定人宣
德舉人

和鸞

字廷瑞山西平定人由舉人成化十一年任徐
州知州性耿介以廉慎自持以儉約臨民不阿
上不虐下在治八載深得
民心陞湖廣襄陽府知府

和鵬

字大舉山西人成化丁未進士鵬性質堅疑不
好物累勞身率下如建學校葺廳宇取材聚斲
皆躬為處畫故民不令而自勸廉潔出於天性
不假矯飾居職久而益貧後以母喪去任至鰥
衣以資行人多
憐之官至僉事

和璋

山東人成
化進士

和承芳

平定人弘治間舉人授濟寧州訓導勤于訓
迪諸生餽遺悉却之陞唐山知縣有惠政百

姓愛之

如父母

和震

祥符人萬厯
丁丑進士

過

夏時諸侯之國少康滅之子孫以國為氏平聲

漢

過急

荊州
刺史

過掬

兗州
刺史

宋

過源

字時源臨川人少穎異問其父曰聖賢之學何

學曰心學曰何古多而今少曰非有古今在人
為之耳于是篤志聖賢之學嘗曰人終身只是
一箇窮理元不知行行之至知之極也曰情

發乎性由於性則明明則聖任乎情則蔽蔽則
愚學者稱浩齋先生有語錄二卷從孫名勗字

紹古亦博覽能文性至孝有通
神集三十卷宋時收于祕閣

過勉

尚書
郎

過卓

南豐人玉山
令政和進士

過詡

登科建
昌人

過正已

錄事
參軍

過昱

字彥明南城人景祐間進士官至都官郎中性
至孝母沒刻木為像父沒水漿不入口者累日

慕之
終身

元
過宗一

海鹽人父蚤喪獨與母居至正間張士誠陷
姑蘇略地至海上宗一負母逃與寇遇欲殺

之以身蔽母中
數槍賊舍而去

明過興

永樂中右
府都督

過璘

平湖人成
化進士

過鶴

無錫人成
化進士

過郁

臨川人正德貢
士壽昌縣教諭

過廷璽

含山人嘉靖中
任歸善縣知縣

阿

官氏志阿伏氏改為阿氏又伊尹為阿衡子孫以官
為氏

唐

阿先進

河東
牙將

阿崎 馬龍州人納垢酋之後隱巖谷撰變字字如科
斗三年始成字母一千八百四十號曰建書變

人至今
習之

元
阿畫

普貴之後仕為順元等處軍民宣撫使以征伐
功加龍虎大將軍封順元羅甸侯卒追封濟國
公

明
阿賢

和州人正統
貢士任知縣

阿文

和州人成化
貢士任教諭

阿其麟

山西人嘉
靖進士

阿有典

惠安人嘉靖中
嘉定縣主簿

河州名

南河湟 餘干人有膽略元嘉間捕盧
備將韓英有功授本邑令

五代河澤

宋河灑 崇安人紹興進士

明河源

字本清陝西涇州人正統中舉人由文安知縣
歷擢知襄陽府天性敦朴行已不妄在任修學
宮築大堤更漢江驛於城西勒叛逆于鄖漳山
中全活人民甚衆立峴漢回清碑每事務以愛
民為本民亦愛戴之如父母卒葬
于襄之百丈山子孫因占籍焉

河清

醴陵人宣德
中丹陽丞

河海

舉人海康人正德中三水教諭

河治清

桔陽人嘉靖中任歸善縣丞

蛾

見姓苑晉大夫蛾析之後

周

蛾哲

晉大夫諫惠公不殺慶鄭

娥

見姓苑又音螻堯娶舜以娥皇後有此姓

南

娥永樂

武衛勇力絕人

北

娥青

魏將軍代人賜爵南平公

明

娥喬

閩清人永樂貢士任知縣

軻

見姓苑

明

軻興

直隸人宣德間簡州衛千戶愛恤士卒崇尚禮義尤勤于政事

多

見姓苑

漢

多軍

武帝時以東粵將軍降于漢封無錫侯邑千戶

多卯

軍子襲封無錫侯

宋

多岳

年袞授學

明

河南浙川縣有多氏

禾

宋

禾實

元祐間知安遠事

那

天水高音風俗通朝那東夷也其後單姓那氏

南

那頡

遼西太守後燕

那椿諾

揚州刺史

唐

那承慶

安祿山將

明

那尚綱

宜賓人弘治舉人

那正侏

宜賓人嘉靖舉人

挈

周
挈錯衛
臣

苛

漢
苛異
見印
數

侈
音多

漢
侈宗

度
音佗見直音

明
度五常
萬歷間河南南陽
衛指揮慈州人

鷺

明

河南南鄭
縣有喬氏

渦

漢

渦尚

扶風
太守

佗

音他

漢

佗羽

游俠東道佗羽公子註
云姓佗名羽字公子

明

佗滿

莘野人洪武
中任慶都丞

佗盛

容縣人永
樂進士

佗超

蒼梧人正統
舉人任知州

高

南唐高拯字叔濟歙人保大間令凋殘之餘撫綏有方民感之立去思碑

宋

高輔

紹興間秀州教授

明

高校

公安人弘治舉人

高崇

沂州人正德中任崇安縣丞

高文光

公安人登嘉靖戊子鄉薦簡重雅飭好學強記母成氏有苦節光善事之孝養備至初授

四川巴縣令勤慎慈惠視民若傷推鞠以情幾至無訟賦役與民期會不事鞭笞興利除害皆以實心行之四民仰其廉平比入覲相率繪像私祀光素不樂仕進懇乞休歸居家二十餘年

絕跡公庭時或困於衣食有司者為餽粟帛皆不受清介之操始終無間生平學陶評者謂與潛後先無忝云
所著有擬陶詩

歌

見姓苑

崩

鄒伯榮之後

科

見姓苑

萬姓統譜卷三十五

欽定四庫全書

萬姓統譜卷三十六

明 凌迪知 撰

下平聲

六麻

花 東平官音出何氏姓苑

唐 花季睦 倉部員外郎

花驚定 驍勇過人上元初段子璋反于蜀時崔光遠為成都尹驚定為牙將討平之杜甫詩云成

都猛將說花卿學語小兒知姓名

宋 花尹 尚書郎

元 花世輔 知揚州

明 花雲 懷遠人體長犬面鐵色驍勇絕人既歸附將兵略地屢建奇功陞行樞密院判守太平陳友諒

來攻雲被執怒罵躍而起縛背絕奪守者刀連斬賊五六人賊衆怒縛雲叢射之至死罵不絕

口追封東丘郡侯

花綸 吉水人洪武中鄉會俱第一廷試一甲第二

花潤生 字蘊玉福建人永樂進士初為古田令治績甚著擢提學僉事性資剛方詩文雅淡晚年

言動愈謹足跡未嘗輕至公府

花茂 巢縣人 洪武中以功授千戶 討海南叛嗣 備倭 歷廣東都指揮使 子英武 毅有父風 自海

功陞都督僉事

花魁

騰 衛人 正德舉人 山東兗州同知

花本

滁 州人 正統中廣平府推官

花潤寶

弋 陽人 成化中任平陽府通判

花有馥

柳 州人 嘉靖中貴州安順州知州

查

齊 郡高 音側 加切

唐 查祥

鄱 陽富人

五代 查文徽

歙州休寧人仕南唐為中書舍人以平閩功累遷建州節度使官至兵部尚書子元方仕

為建州判官宋平江南盧絳據歙遣使傳檄至建元方斬其使及絳被擒太祖聞元方所為優

獎之拜殿中侍

御史知泉州

宋

查道

字湛然文徽孫未冠以詞業稱性慈孝母病思

輒羹市無驚者道泣禱于河鑿冰得之母疾遂愈端拱初舉進士為館陶尉通判遂州公正清

潔真宗時中賢良方正科官至龍圖閣待制道

性純厚有犯不校所至務寬恕有集二十卷

查陶

字大鈞道從兄初仕南唐以明法登科補常州錄事參軍入宋歷侍御史判大理寺咸平中遷

祕書少監後代

楊億知審刑院

查文熙

宣城涇縣武德池
南宕三州刺史

查許國

海陵人精於六經以奉議郎贊帥幕僚荆南
開門教授門人往往登科忽一日從容書曰

七十三年聖師之壽許國何人敢繼其後惟是
平生恪遵善誘故從門人啓予足手即端坐暝

日加朝
服而終

查祥

鄱陽人貞
元富人

查拱之

壽州人陶子性聰敏不凡叔道甚奇之舉淳
化進士歷官職方郎中兼權中書舍人廡行

清節不
愧世風

查深

廣德人隱居力學治平間守郡錢公輔薦于朝
力辭乃為築堂于城西名曰清容延請教誨郡

人子弟儒風日振號清
容先生有文集二十卷

查寶之

海陵人為石埭令秩滿致政歸日親友談論
自娛未嘗干有位不增田廬曰子孫能守吾

清白之
訓足矣

查揆

深之傑幼俊敏能文熙寧中升上舍生神宗問
近臣舍選得人有以江南查揆張汝舟對後第

進士為太學博士卧疾不起陳紆以詩悼
之曰舍法得才傳黼辰古人馳譽重賢關

查籛

字元華休寧人待制道之後累官太
府少卿與李浩等為五賢以材諍聞

查盛

秦州人雍
熙登科

查熟

盛孫皇
佑進士

查應辰

熙寧進士

明查允中

休寧人洪武間知雩都縣時流賊犯境征南師應給軍需民不告擾撫綏有方民得安堵

查孚

江西人永樂進士

查煥

海寧人弘治進士

查約

字原博海寧人正德進士歷山東副使

查應兆

字瑞徵長洲人正德進士授工部主事視浙權鎮守中奄方倨侮諸使者無敢出一言適

與二御史同報謁奄將據上坐笑引却之曰公真老耶何忘主客禮乃倉卒無以答卒讓席時奄橫甚林司寇俊為其所忌因極言宦者奸狀請戮之召還俊特嘉其敢言調駕部大司馬李

以論事數相忤兆曰人臣奉天子寧能舍法有所侵亂李為之屈永嘉相賢而重之復以事大忤出叅議山東發奸若神數引大體不為苛細歷布政使

查秉彛

字性甫海寧人嘉靖戊戌進士文選郎中順天府府尹子志學志宏舉人志立進士

查懋光

字允謙長洲人嘉靖進士

查懋昌

字允言長洲人嘉靖甲辰進士

查光述

字子孝常熟人嘉靖丙辰進士任御史

車

京兆角音漢相田千秋乘車入朝人號車丞相因氏尺遮切

漢

車成則

字長孺

晉車胤

南平人父育為本郡功曹胤少時篤學不倦家貧不常得油夏月囊螢照書及長甚有鄉譽桓

溫在荊州引為主簿太元中領國子博士遷吏部尚書

車灌

豫章太守

車濟

字萬度永和初為金城令為石季龍將麻秋所陷濟不為秋屈秋必欲降之乃臨之以兵濟辭色不撓曰吾雖才非龐德而受任同之身可殺志不可移乃伏劍而死秋歎其忠節以禮喪之

車浚

天璽初為會稽太守在公清忠值歲荒早民無資糧表求賑貸孫皓謂浚欲樹私恩遣使斬之

南車伊洛

馬耆胡也世為東境部落帥延和率部眾二千餘人伐高昌討破焉耆朝京師授平西將

軍封前部王

車路頭

代人每評獄處理常獻寬恕之議以此見重于人

車威

齊人兄弟並見執于赤眉將食之威叩頭乞以身代賊哀而兩釋焉

宋 車若水

字清臣黃巖人與同郡周敬孫楊珏陳闕瑞黃超然朱致中薛松年俱師事金華柏講

明性理若水博學工古文自號玉峰山民所著有宇宙略紀玉峰冗藁

車東

南城人淳祐進士

明 車誠

洪武初穎上知縣守職廉謹以誠信治民政化大行尋以績最陞知光州

車敬

洪武中南陽縣知縣清慎方介政令一新興學勸農平徭均稅芟鋤凶惡囹圄空虛民到于今

之稱

車義 臨淮人 永樂進士 歷知府

車清 長寧人 永樂進士

車霆 石州人 成化進士 任右僉都御史

車泰

字子謨 金谿人 與兄弼宗弟亨俱受業康齋而泰最久篤信力行師友咸稱之康齋應聘辭歸遣

泰詣闕謝朝紳如四明楊守陳瓊山丘濬皆有贈述期其用世而泰竟不仕泰之學以小學為階梯而要歸於禮尤邃於易春秋其大書絕類康齋詩文亦平實渾淡以敦復名齋有敦復遺稿存于家

車政

新都人 博學隱居 父卒政年十四哀毀死而復蘇既葬朝夕培墳有青兔芝草之祥事母極孝

母病革祈天減壽益母病
果愈人以為孝誠所感

車純

字秉文浙江上虞人正
德進士歷官戶部侍郎

車軫

宜黃人正德
中龍安訓導

車輓

宜黃人正德
中平江訓導

車邦佑

字翔卿博平人
嘉靖戊戌進士

家

京兆角音周大夫家父之後又望出南安今錢塘有
此姓

家父

周
究王誦以

家伯

維
宰

家諍

家僕徒

進兵惠公馬繫不行秦獲惠公以歸

漢

家羨

為劇

唐

家師諒

陳留人以孝稱

宋

家安國

字復禮初任教授東坡以詩送歸蜀云良哉有雛鳳梧竹養脩翎山谷贈詩云家侯口吃

善著書常願執戈王前驅朱紱

蹉跎晚監郡吟弄風月思天衢

家定國

永康司法參軍韓絳欲治西山道定國謂蜀近夷恃險以安整為坦途將有後憂絳然其

言為之

罷役

家勤國

眉山山人與從兄安國定國同從劉巨游與蘇軾兄弟為同門友王安石王安石久廢春秋學勤國

憤之著春秋新義熙寧元豐諸人紛更而元祐諸賢矯枉過正勤國憂之為築室作室喻二蘇

讀之
敬歎

家愿

字處厚勤國子紹聖初舉進士廷問力詆元祐之政愿答策惟以守元祐已行者為言為普州

樂至今元符初應詔論時政凡萬言後入黨籍禁錮凡十年大觀中始知雙流縣高宗時擢知

閬州移彭州初蘇轍讀愿策謂
異時當以直道聞至是果驗

家大酉

愿曾孫舉進士初授昭化縣主簿吳曦叛蜀大酉不受逆僑之招遂被召用淳祐侍講經

筵累官工部侍郎與宰相史嵩之論不合罷去大酉為人方直雖屢起屢斥所守不變卒謚文

節

家之柄

咸熙中任
崇德尹

家坤翁

知撫州約已剔蠹始立定規清
積年深弊重纂經圖民稱頌之

家退翁

東坡同年友也元豐中知懷安軍坡
送以詩云退翁守清約霜菊淒餘馨

家橫

字仲本西蜀名士也宋朝以明經冠上
庠兄柳以廷對中甲科棣萼相輝為盛

家鉉翁

眉州人舉進士問學該博尤邃于春秋累官
端明殿學士簽書樞密院事元兵至奉表祈

請被執聞宋亡旦夕哭泣不食飲元世祖高其
節欲授以官不受教諭河間每語及宋興亡之

跡輒流涕太息成宗即位
放還錫以金帛不受

家靜

蜀人登
進士第

家彬

家仲

家之巽

景定
進士

家懋

家度

家杞

家誠之

俱眉州人
大觀進士

家棟

梓種人開
禧進士

明家之僕

景州人正統三
年任定陶縣丞

家臣

榆次人成化
中寶雞縣尹

家文慶

廣平人正德
中觀城知縣

家世隆

岑溪人嘉靖
中通州判官

麻

上谷商音齊大夫麻嬰之後

漢麻達

注論
語

麻光

御史
大夫

麻顛

字長卿

麻廷

晉麻秋

石勒將威名可止兒啼

南麻拱

梁武先建茶以兵守蕭寶實密計穿墻夜出之

唐麻察

左司郎中

五代麻嗣宗

後唐元功臣執金吾大將軍涼國公賜姓李氏改名廷昌子藏珍

宋麻景孫

臨淄人太平興國進士

麻九疇

字知幾三歲識字七歲能作大字徑數尺號神童仕大金為太常博士

麻溫舒

大中祥符及第天禧中
為太子中允直賢院

麻仲英

臨淄人祖希夢太宗時為工部侍郎景孫子
仲英七歲能詩以親之祿不及養不復肯仕
博學有行鄉里推服雖凶年盜不入其家富韓
二公守青州致書幣薦其行義召為國子助教

東方學者
咸尊師之

麻士龍

元兵入常州文丞相遣尹玉及士龍援之率
殘兵五百奮勇與元兵大戰死之贈高州刺史

史五百人無一
降者皆死之

明

麻善勤

黃巖人成化中
任雩都縣丞

麻志

安化人成化
中任永年丞

麻冕

安化人

治中歲貢授刑部主事歷陞福建
左布政使興利除弊累著勞績士論榮之

麻漳

大同人
正德進士

麻芝

石州人
正德中永年丞

麻臻

大名人
弘治己酉舉人
滕縣知縣

麻瀛

宣城人
嘉靖進士
歷官戶部郎中

麻濟邦

石州人
嘉靖進士

沙

汝南宮音姓苑東莞有沙氏吳興亦有此姓又百濟
八族其一曰沙氏

晉

沙廣

五代沙承贊 貞明登科
渤海人

沙彥珣 雲州節度使

宋沙世堅 素號武勇守宜州
平劇賊一路賴之

明沙毅 江浦人洪武
舉人任知縣

沙玉 永樂初涉縣知縣慮民無恒產乃設酒饌邀富民親為立券借財買牛具以給貧乏者令民每丁種蔬一畝以備饑饉民遂足食嘗於禾稼方熟督民晝夜收穫未畢飛蝗大至隣邑禾食盡而涉民得保生焉

沙立 徐州人弘治
庚戌進士

沙安

紹興人永樂舉人

沙胡狸

正統中錦衣指揮隨北狩

沙壁

河南商城人成化進士歷廣東左叅政

沙鵬

字宗哲乾州人弘治進士歷河南副使

沙金

延安人嘉靖中任威茂叅將廉仁不刻言動行事恂恂儒者之風戴星而出雖寒暑無間蔬食粗衣不務華飾一無所取軍民安靜無愧古之名將

沙稷

字育民儀真人嘉靖舉人歷工部員外郎

余

音蛇姓苑云南昌人

唐
余欽 太學博士
南昌人

余珩 祖右司
郎中

宋
余贊 洪州人
登科

余剛 衢州人

余赫 徽州人

余昊 字壽卿 紹
熙進士

余起 銅陵人 一門義聚千三百
餘口 子孫皆以科第顯

明
余耀 字叔炫 莆田人 永樂進士 知進賢縣 廉勁不阿
莅下以信政平訟理而民不敢欺 遷闕 同知

余可才

銅陵人舉鄉貢任襄陽府學訓導開
願試煩劇擢吏部驗封主事練達明敏
事

政司左
通政

余勉學

廣西人嘉靖丁未進士歷官副
使子立解元嘉靖壬戌進士

嘉靖己未進士余敬中歷官按察使弟
毅中解元隆慶戊辰進士直隸銅陵人

茶

漢

茶悟

江都易
王傳

明

茶昱

武平人洪武中
洛川縣訓導

茶寧

什仿人正統間
永壽縣訓導

茶益元

重慶人嘉靖中陝西耀州寶坻知縣

蛇

鴈門見姓苑姚萇後

南蛇后

南安人兄越滂南安太守

蛇元

建武將軍

牙周穆王司徒君牙之後以王父字為氏

唐牙惟昌

宣州長史

明牙建旗

臨洮人宣德中金吾衛千戶

嘉晉大夫嘉父之後

周 嘉父 大夫

宋 嘉侯

嘉正 太平興國進士湘鄉人

嘉承 永州司馬

明 嘉縉 夏縣人景泰舉人

嘉睿 稷山人舉人嘉靖間直隸高苑知縣

衙 闕 穆王子食采于衙因氏焉江夏

漢 衙謹卿 長平令七世同居

晉

衙傳

督護

巴

高平徵音代本云巴子國子孫以國為氏

周

巴蔓子

巴國人仕為將軍周末國亂蔓子請師于楚許以三城楚以救巴遣使請城蔓子曰藉楚

之靈克濟禍難誠許楚王城可持吾頭往謝城不可得也乃自刎使者以蔓子首報楚王王曰使吾得臣如蔓子者用城何為乃以上卿之禮葬其首巴亦舉其屍以上卿之禮葬于施州

漢

巴茂

為太常受書于丁鴻精通大義

巴祗

揚州刺史以清貧著名

巴寧

戰國時人公孫座曰決利害而使三軍不惑者寧之力也賜錢十萬

巴肅

字恭祖漢黨錮八顧中人渤海人為議郎與竇武陳蕃等謀誅閹官武等遇害肅亦坐黨禁錮

肅自載詣縣令解印綬與俱去肅曰為人臣者有謀不敢隱有罪不逃刑遂被害

明

巴鏞

江西人永樂進士

巴思明

新城人正德進士

巴文忠

壽州人弘治舉人

瑕

見姓苑

周瑕禽

大夫

瑕嘉

晉人

瑕叔盈 鄭大夫

漢瑕更尉 廷尉

瑕蒼

瑕裒

杞 音紀本巴氏東樓公之後後漢靈時巴康避董卓難改為杞氏

南杞秀 西魏涼州刺史

明杞安 宛平人正統中英山縣丞

夸 見姓苑

周 夸父 夸父不量力欲返日景逐之崦谷之際道渴而死植其杖化為鄧林

厓

明 厓成 邛州大足人永樂中舉人任知府

諸 音查

漢 諸施 吳郡人洛陽令

廊

宋 廊巴 乾道間任福建路兵馬總管

加

明
加傳 稷山人正
德舉人

葭

漢
葭衆

媯
女媯氏之後

蝸
見姓苑

駟
李駟之後

娃
見姓苑

峯
見姓苑

亞
見姓苑

斜
見姓苑

耶
見姓苑

華
音花見直音

晉
音亞

萬姓統譜卷三十六